

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
GRADSKO VIJEĆE

**PRIJEDLOG**

*PREDLAGAČ:*  
*Ocjenjivački sud za javna*  
*priznanja Zenice*

**O D L U K A**  
**O DODJELI JAVNIH PRIZNANJA ZENICE**  
**POVODOM 20. MARTA - DANA GRADA ZENICA**

*Zenica, mart 2022. godine*

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
GRADSKO VIJEĆE

Na osnovu člana 21. tačka 14) Statuta Grada Zenica („Službene novine Grada Zenica“, broj: 5/15) i člana 25. Odluke o javnim priznanjima Zenice („Službene novine općine Zenica“, broj: 10/01- prečišćen tekst), na prijedlog Ocjenjivačkog suda za javna priznanja Zenice, Gradsko vijeće Zenica, na \_\_\_\_ sjednici održanoj \_\_\_\_\_ 2022. godine, donosi

**O D L U K U**  
**O DODJELI JAVNIH PRIZNANJA ZENICE POVODOM**  
**20. MARTA - DANA GRADA ZENICA**

**I**

**NAGRADA ZENICE** dodjeljuje se:

1. Forumu građana Zenice, za 30 godina građanskog aktivizma na razvoju grada i promociji Zenice u zemlji i svijetu,
2. Adnadinu Jašareviću, za umjetničko stvaralaštvo i promociju umjetnosti i baštine,
3. Fahrudin Čančaru, za doprinos u odbrani BiH od agresije kao komandant Odreda policije Manevar – SJB Zenica, za poslovne rezultate firme Zenko i ukupan društveni angažman.

**II**

Novčani iznos javnog priznanja **"NAGRADA ZENICE"** utvrđuje se u visini od **1.000,00 KM.**

**III**

**"PLAKETA ZENICE"** dodjeljuje se:

1. Nerminu Šehoviću, za doprinos u oblasti zaštite ljudskih prava i sigurnosti,

2. Semiru Šeriću, za predan stvaralački rad s mladima, za osnivanje i 30 godina rada Plesnog kluba Shadows i afirmaciju Zenice na takmičenjima širom BiH i u inostranstvu.

#### **IV**

Javna priznanja iz ove odluke uručit će se na svečanoj sjednici Gradskog vijeća Zenica.

#### **V**

Ova odluka stupa na snagu danom donošenja iste i objavit će se u "Službenim novinama Grada Zenica".

Broj: 01-\_\_\_\_\_/ 22  
Zenica, \_\_\_\_\_ 2022. godine

**PREDSJEDAVAJUĆI  
GRADSKOG VIJEĆA ZENICA**

*Mirza Husetić*

## OBRAZLOŽENJE

### KANDIDATI ZA NAGRADU ZENICE

#### 1. Forum građana Zenice

Forum građana Zenice je formiran 1992. godine i već 30 godina djeluje u Zenici, a i širom BiH, posebno na poboljšanju uvjeta za rad i život u Zenici i bližoj okolini, a veliki značaj daje valorizaciji kulturno – historijskog naslijeđa Zenice i BiH.

Forum građana Zenice je u proteklom periodu uradio veliki broj korisnih projekata za čitavu zajednicu samostalno i u saradnji s drugim udruženjima, a ovdje navodimo samo neke od projekata.

Zajedno s Udruženjem poslodavaca Grada Zenica aktivno je uključen u rad Privrednog savjeta Grada Zenice kroz savjetovanja i rješavanja pitanja od značaja za privredu grada Zenice.

Od 2003. godine Forum građana Zenice aktivno radi na valorizaciji kulturno-historijskog naslijeđa Bosne i Hercegovine. Te godine, u saradnji sa Predsjedništvom BiH, odštampani su pozlaćeni medaljoni Kulina bana. U tom periodu postavljene su spomen-ploče Kulinu banu u Kraljevoj Sutjesci i Bilinom polju. Svake godine uz podršku privrednika obilježava godišnjice Bilinopoljske izjave i Povelje Kulina bana. Forum građana Zenice vodi aktivnosti da u budućnosti park Kulina bana postane historijski park gdje će se učiti o historiji Zenice i BiH.

U Zenici postoji dugogodišnja tradicija dočeka proljeća, Čimburijada. Ova manifestacija se toliko proširila i postala poznata da je proglašena jednom od 10 najinteresantnijih manifestacija u svijetu. Na prijedlog Foruma građana i uz podršku privrednika na Privrednom savjetu Gradonačelnika, donesena je odluka da se ova manifestacija svake godine uvrsti u Budžet Grada, a da Forum građana pokrene aktivnosti da se Čimburijada proglasi nematerijalnim kulturnim dobrom BiH.

#### 2. Adnadin Jašarević

Adnadin Jašarević rođen je 09.03.1967. godine u Zenici. Završio je Fakultet političkih nauka. Direktor je JU Muzej grada Zenice.

Adnadin Jašarević kao književnik, crtač, kustos, novinar, te menadžer u domenu organizacije umjetničkih programa godinama afirmiše Zenicu i njen ugled u zemlji i svijetu.

Dobitnik je brojnih prestižnih književnih nagrada, državnih i regionalnih.

Jedini je književnik u historiji BiH koji je za jednu knjigu dobio sve postojeće književne nagrade bosanske i regionalne. Riječ je o knjizi priča za djecu „Tamo iza“

Također, autor je prvog romana epske fantastike u historiji bh. književnosti i osnivač i mentor prve bh. škole stripa.

*Prema njegovim pripovijetkama, redakcija dramskog programa BH radija priredila je pet radio drama: Društvo tragača, Dvorac 1001 smrti, Moderni Prometej, Knjiga ogledalo i Posljedna pustolovina Šerloka Holmsa. Roman Društvo tragača uvršten je u obaveznu lektiru u BiH. Član je Društva pisaca od 2014. godine.*

*Organizirao je oko 2.000 programa iz oblasti književnosti, likovne umjetnosti, muzičkih programa, filmskih, te programa u domenu zaštite baštine sa svrhom promocije Zenice, njenih umjetnika, ali i obezbjeđivanja renomiranih umjetničkih programa iz inozemstva. Inicijator je uvrštavanja nacionalnih spomenika ploča velikog sudije Građeše i Sinagoga na poštanske marke BiH. Od 2007. godine organizira autentični regionalni festival kulture srednjeg vijeka „Tragovima bosanskog kraljevstva“. Ovaj festival predstavlja srednjovjekovnu muziku, igre, književnost, dokumente, kuhinju, uglavnom u tvrđavi Vranduk, insistirajući prije svega na promociji bosanske državnosti stare preko 800 godina.*

*Adnadin Jašarević je bio član Upravnog odbora JU za predškolski odgoj i obrazovanje, član Upravnog odbora JU Muzej grada Zenice, član UO Historijskog muzeja BiH.*

*U svom stvaralaštvu, promociji i zaštiti zeničke umjetnosti i baštine dao je veliki doprinos i uvijek nastojao da naš grad predstavi kao okruženje koje zavrjeđuje sve kulturološke atribute, sve ono što grad čini gradom.*

### **3. Fahrudin Čančar**

*Fahrudin Čančar je rođen 4. oktobra 1956. godine u Zenici.*

*Završio je srednju Elektroprivrednu školu u Sarajevu.*

*Vlasnik je firme ZENKO D.O.O. Zenica.*

*U ratnom periodu mu je ukazano povjerenje da bude komandant, sa činom kapetana, Odreda Manevar SJB Zenica, koja jedna od prvih manevarskih jedinica u okrilju Oružanih snaga BiH. U ratnom periodu je dao svoj veliki doprinos u odbrani BiH od agresora.*

*Znalački je vodio jedinicu. U tom odgovornom zadatku iskazao je vrline i sposobnosti koje krasi najbolje i nepokolebljive, one što su zajedno sa kolektivom, maksimalno se žrtvujući u stanju da i od nemogućeg ostvare moguće. Jedan je od osnivača nekadašnjeg NK Zenica i njen sponzor. Fahrudin Čančar je i jedan od organizatora Zeničke čimburijade. Trenutno je penzionisan, a glavne poslove u njegovoj firmi Zenko su preuzele njegove dvije kćerke, koje su mu već duži niz godina desna ruka i podrška.*

## **KANDIDATI ZA PLAKETU ZENICE**

### **1. Nermin Šehović**

*Nermin Šehović je rođen 1977. godine u Sarajevu, gdje je nakon završetka osnovne škole, kao najbolji kadet XXIII klase završio Srednju policijsku školu MUP-a R BiH, a potom na Pravnom fakultetu Univerziteta u Sarajevu završio*

dodiplomski, postdiplomski i doktorski studij, te je u trenutnom zvanju doktora pravnih nauka, sa položenim advokatskim ispitom i na listi je pravnih eksperata OSCE-a iz krivično procesne oblasti. Stalni je uposlenik Federalnog ministarstva unutrašnjih poslova od 1998. godine, gdje je do sada obavljao razne poslove počev od poslova policajca u jedinici za osiguranje stranih diplomatsko konzularnih predstavništava, zatim poslove vršioca dužnosti pomoćnika načelnika Odjeljenja za osiguranje diplomatsko-konzularnih predstavništava u BiH.

Za postignute rezultate do sada je više puta pismeno pohvaljivan od strane ministra MUP-a R BiH. Za radne rezultate u dosadašnjem radu ocjenjivan je najvišim ocjenama. Kao plod akademskog rada iz oblasti prava do sada je objavio monografije „Dokazna sredstva u parničnom postupku“, te „Vještačenje u istragama krivičnih djela protiv života i tijela“, koja je kao recenzirano autorsko djelo po preporuci Visokog sudskog i tužilačkog vijeća BiH preporučeno za upotrebu u tužilaštvima u BiH, te više stručnih radova na temu dokaznih sredstava objavljenim u domaćim i međunarodnim časopisima. Prema podacima od 2016. godine do danas nadležnim tužilaštvima podnio je preko 200 izvještaja o izvršenom krivičnom djelu i izvršiocu, različitih po strukturi i načinu izvršenja u kojima je materijalna šteta utvrđena i dokumentovana preko 10 miliona KM od čega je značajan dio konkretnog iznosa vraćen u budžet, odnosno u određenim slučajevima određena imovinska korist je blokirana u korist države. Također je dao i svoj veliki doprinos u slučaju Dženan Memić.

## **2. Semir Šerić**

Semir Šerić je rođen 03.10.1967.godine u Zenici. Završio je srednju Elektrotehničku školu . Po zanimanju je plesni sudija i trener plesa.

Semir Šerić je u cijeloj Zenici poznat kao Šera, koji iskreno voli Zenicu kao i svoju BiH. Kroz svoj rad činio je sve što je mogao da, na najljepši način, promoviše svoj Grad.

Godinama sudi na državnim takmičenjima i turnirima , gdje se pokazao kao jedan od najobjektivnijih sudija. Zbog toga je imao čast da sudi na prvom državnom prvenstvu u Tirani, Podgorici, Budvi, Beogradu, Zagrebu, Ljubljani, Splitu i drugim gradovima. U svoju Zenicu Šerić je trideset godina dovodio takmičare, trenere i goste na državna takmičenja i turnire koje je organizovao sa svojim klubom.

Kroz Šerin klub Shadows prošlo je više od 20 000 ljudi, takmičara, tako i rekreativaca.

**OCJENJIVAČKI SUD  
ZA JAVNA PRIZNANJA ZENICE**